

## Avtale om bruk av iPad i Hjelmeland kommune



# Reglar for lån og bruk av læringsbrett i skulen

Me er så heldige å kunna dela ut læringsbrett til alle elevane i Hjelmelandsskulen. I tilknytning til utdeling av læringsbrett har me dette regelverket som fortel noko om korleis elevane kan bruka læringsbrettet på best mogleg måte.

Føresette og elev må saman gå gjennom reglane og stadfeste at dei godtek desse.

Har du spørsmål til reglane for lån og bruk av læringsbrett i skulen, så kan du kontakte rektor på din skule.

## Innhaldsoversikt

1 [Om bruk og utlån](#)

2 [Bruk på skulen og heime](#)

3 [Skader og erstatningsansvar](#)

# 1 Om bruk og utlån

## Bruk av læringsbrett

Læringsbrett vil vere eit viktig verktøy i elevane si læring og utvikling på skulen. Det er dei tilsette som bestemmer når elevane skal nytta seg av denne og kva IKT-ressursar som skal nyttast.

Skulen skal til ei kvar tid ha moglegheit til å sjå elevane sitt innhald på læringsbrettet.

## Utlån av iPad til elevar

Læringsbrettet er skulen sin eigendom så lenge eleven går på skulen. Læringsbrettet skal oppbevarast i sekken, på pulten eller i hylla etter avtale med læraren. Eleven sørger for å oppbevare og frakta læringsbrettet på ein forsvarleg måte for å unngå skader og unormal slitasje som for eksempel oppripa glas, bulkar og riper i chassis og knappar som ikkje fungerer.

### Eleven skal ikkje:

- prøve å endra maskinvaren på nokon som helst måte
- klistra på andre merker, dekorera eller teikna på læringsbrettet
- bytta læringsbrett med andre elevar
- ta læringsbrettet med seg ut i friminutt eller matfri eta eller drikka når dei arbeidar på læringsbrettet
- transportera læringsbrettet utan vernedeksel

Skulen kan også når som helst ta inn læringsbrettet og bytta det med eit anna. Eleven må sjølv passa på å lagra eigne dokument etter retningslinjer frå skulen.

## 2 Bruk på skulen og heime

### Heimebruk og lading

Det er meininga at elevane skal bruka læringsbrettet til skulearbeid heime.

Legg merke til følgjande punkt for heimebruk:

- Når eleven tar med seg læringsbrettet heim, skal det koma ferdig lada tilbake på skulen dagen etterpå.
- Ladaren skal merkast med namneetikett, oppbevarast heime og ikkje takast med til skulen dersom anna ikkje er avtalt.
- Føresette er ansvarlege for kva elevane får tilgang til utanom skuletid. All bruk av skulen sitt utstyr skal til ei kvar tid vere i samsvar med skolen sitt ordensreglement.

### Reglar for bruk

Mykje er lov, men det er *ikkje* lov til å:

- dela brukarnamn og passord med andre (eller stela passord)
- det er ikkje lov å streama filmar etc. på skulen utan samtykke frå lærar
- lasta ned, oppbevara, distribuera eller kopiera materiale som bryt med reglar for opphavsrettigheter eller andre norske lover og forskrifter
- lasta ned eller visa upassande materiale i samsvar med lover/forskrifter
- bruka utstyret på måtar som bryt med skulen sitt trivselsreglement eller datareglar

Det er berre kontaktlærar, rektor, rådgjevar skuleutvikling og IKT-ressurslærar som kan få vita passordet og skjermkoden til læringsbrettet, dersom det er naudsynt for å retta opp feil på læringsbrettet.

Brot på desse reglane blir rekna som brot på skulen sitt ordensreglement. Systemansvarleg kan utan forvarsel sletta materiale som bryt med reglane for IKT-systema ved skulen. Lærar kan inndra iPaden dersom det skjer brot på reglane i dette dokumentet.

### **3 Skader og erstatningsansvar**

Av og til oppstår det problem med læringsbrettet som ikkje er brukaren sin feil. IKT-ansvarlige, fyrtårnlærer eller leiinga på skulen vil hjelpa eleven med desse utfordringane. Dersom det oppstår problem eller feil, vil me erstatta den med eit reserve-læringsbrett. Elevane vil då låna denne som sitt nye læringsbrett.

Dersom læringsbrettet vert øydelagd p.g.a. aktløyse (uaktsomheit), må iPaden erstattast heilt eller delvis (jfr skulen sitt ordensreglement - Lov om skadeerstatning, kap.1 §1-1 og 1-2).